

վասն (նոցա), քանզի գիր նոցին ի վերայ ինքեանց կատարեսցի: Եւ ի գիշերի զգի էֆէնտուն տան ի տեարս եւ ընկեցին զերկոսինն արտաքս ի տեսիլ ռամկին:

Եւ զքիւրէքճին արար հրաման վէզիր ի նոր կիրակէի աւուրցն ժողովել յամենայն սեռից, որ եւ եղեւն իսկ. եւ լինէր բազում աղմուկ ի մէջ Հայոց, զի այրեալ եկեղեցիք¹⁾ չկամէին տալ իսկովին զամենայն եւ այլքն ոչ կասէին յայնցանէ, վասն որոյ եւ պատրիզն բազում անգամ մատնէր յերկաթս բանտին եւ ի կալանս, զի չկարէր վճիռ առնել իրաւամբ, վասն զի ի մի կողմ ոչ դադարէր խօսք նորա, այլ երբեմն յայս կոյս եւ երբեմն յայն. այլ եւ բազումք ի Հայոց մատնէին ի կալանս եւ տային տուգանս, զի փոյթ ընդ փոյթ առնէին ի նոցանէ զամենայն:

Եւ հանին զտօնանման Գ աւուրքք յառաջ քան զպայրամն իւրեանց, Կ բերթ նաւ, որ էր ամսոյն ժե: Նա՛ եւ երկերիւր յաւել եւ պակաս նաճարս կալեալ յուղարկեցին ի նոր բերդն զի զփլեալ շէնս ամրացեալ չինեսցեն: Գայր եւ գանձն Եգիպտոսի ընդ աւուրսն հասանել օլօֆին պայրամի, գայր եւ լուրն սովոյ լեալ յամենայն յաշխարհ յանցեալն ամի:

Իւսուֆ աղա ոմն անձնամահ լեալ, զոր իբրեւ լուեալ զխէթ վէզիրի առ իւր, երթեալ վաղվաղակի յեզերս ծովու եւ հանեալ զմուշտակն տայ ի ճորան եւ անկեալ զիւրովի ի ծով եւ սատակի. սա զպիուքէհեստի Շահսուարին եւ այլոց: Յետ ոչ բազում աւուրց²⁾ ետ արքայ բերել զխասէքի Մէհմէտ փաշա ի Բերիոյ եւ խօսել ետ առաջի նորա եւ ետես զի ան-

1) եկ'.

2) աւուրք.